

20. oktober 2007

UKA 2007/41

**Nunalerineq pillugu Inatsisartut inatsisaata nr. 5, 2. maj 1996-imeersup
allangortinneqarneranik Inatsisartut inatsisissaattut siunnersuut.**

**(Nunalerineq pillugu Siunnersuisoqatigiit piginnaatitaanerat
katiterneqarnerallu).**

pillugu

**Inatsisartut Aalisarnermut Piniarnermut, Nunalerinermullu
Ataatsimiititaliaata**

ISUMALIUTISSIISSUTAA

siunnersuutip aappassaaneernejarnerani saqqummiunneqartoq

Inatsisartut Aalisarnermut, Piniarnermut Nunalerinermullu Ataatsimiititaliaat
suliarinninnermini ukuningga inuttaqarpoq:

Inatsisartunut ilaasortaq Lars-Emil Johansen, Siumut, siulittaasoq
Inatsisartunut ilaasortaq Godmand Rasmussen, Atassut (Sinniisussaq)
Inatsisartunut ilaasortaq Ane Hansen, Inuit Ataqaatigiit
Inatsisartunut ilaasortaq Per Rosing Petersen, Siumut (Sinniisussaq)
Inatsisartunut ilaasortaq Jens B. Frederiksen, Demokraatit
Inatsisartunut sinniisussaq Ole Thorleifsen, Siumut
Inatsisartunut sinniisussaq Per Rosing Petersen, Siumut

Inatsisartut Aalisarnermut, Piniarnermut Nunalerinermullu Ataatsimiititaliaata ulloq
5. oktobari 2007-imi siullermeerinerimi inatsisartut inatsisissaattut siunnersuut
misissorpaa. Siunnersuutip siullermeernerani naliginnaasumik Inatsisartuni partiinit
tapersorsorneqartoq Ataatsimiititaliamit maluginiarneqarpoq.

Siunnersuutip imaa

Nunalerineq pillugu Siunnersuisoqatigiit atuunera piginnaatitaaneralu
siunnersuummi inatsisitigut aalajangerneqarpoq. Aammattaaq Naalakkersuisoq
Nunalerineq pillugu Siunnersuisoqatigiit suliassat isumaginissaannut Nunalerineq
pillugu Siunnersuisoqatigiit piginnaatitaanerannut tunniussinermut maleruagassanik
aalajangiinissaminut piginnaatitaavoq. Tamatuma saniatigut Nunalerineq pillugu

Siunnersuisoqatigiinnut Naalackersuisoq piginnaatitaanernik tunniussinermit maleruagassanik aalajangiinissaminut piginnaatitaavoq, taamaaliornikkut Siunnersuisoqatigiit inatsisitigut ingerlatsinermi aalajangiisinnaallutik ingerlatsinermit maleruagassat inatsisit sinaakkutaasa iluini nakkutilliisinnaallutik.

Tusarniaaneq

Siunnersuut nunalerineq pillugu siunnersuisarfimmut, Pinngortitaleriffimmut, Kanukokamut, Inuussutissarsiornermut Pisorta qarfimmut, Avatangiisimut Pinngortitamullu Pisorta qarfimmut, Aningaasaqarnermut Pisorta qarfimmut Nunanullu Allanut Pisorta qarfimmut tusarniaassutigineqarpoq. Ataatsimiititaliaq piffissamut tusarniaaffigineqartumut oqaaseqaatissaqanngilaq, naammattutut isigineqarmat. Nunalerineq pillugu siunnersuisarfiup oqaaseqaatai siunnersuutip ilusaanut tunnganerusut siunnersuummut ilanngunneqartut Ataatsimiititaliap immikkut maluginiarpa.

Ataatsimiititaliap siunnersuummik suliarinninnera

Naalackersuisup Nunalerineq pillugu Siunnersuisoqatigiit ilusilersorneqarnera suliaasaasalu inatsisissaannut allannguummi matumani aalajangersarlugulu naleqqussarsimammagu ataatsimiititaliap pitsaasutut isigaa.

Nunalerinermi naalackersuinermit pilersitsiniarnerit aalajangiisarnerillu siumut isigisut siunnersuutitigut pitsaanerusunik piviusunngortinneqarnissaannut periarfisseeqataassasoq ataatsimiititaliap nalilerpa. Tamanna tunngavigalugu nunalerinermit immikkoortortaq nukittorsarneqarnissaa siunnersuummi tulluurtumik tunngavilerneqartoq Ataatsimiititaliaq isumaqarpoq. 2009-mi kommunit kattussuuppata, Naalackersuisunit inatsimmut allannguutissatut siunnersuummik saqqummiussisoqassasoq, imaalillugu Nunalerineq pillugu Siunnersuisoqatigiinnut kommunit allartitaat kommunini agguataarnerit malillugit aaqinneqassasut, ataatsimiititaliap naggataatigut ilimagalugu oqaatigissavaa.

Islandske Landboforeningi Nunalerineq pillugu Siunnersuisoqatigiinni atorfilittut ilaasorta qassasoq kiisalu Nunalerineq pillugu Siunnersuisoqatigiit avataanit immikkut ilisimasalimmik aggersaasinnaassasoq Naalackersuisut aappassaaneerinermi allannguutissatut siunnersuummik saqqummiussissasut **ataatsimiititaliap isumaqatigiittup** kaammattussavai.

ataatsimiititaliap isumaqatigiittup siunnersuut ilusiatut akuerisassanngorlugu inassutigaa, Naalackersuisut allannguutissatut siunnersuummik Ataatsimiititaliap kaammatuineratut saqqummiussissappata.

Ataatsimiititaliap isumaqatigiittup siunnersuut akuerisassanngorlugu inassuteqaatigaa.

Taamatut oqaaseqarluni Inatsisartut Aalisarnermut, Piniarnermut Nunalerinernullu Ataatsimiititaliaata siunnersuut aappassaaniigassanngortippaa.

Lars-Emil Johansen
Siulittaasoq

Ane Hansen

Jens B. Frederiksen

Ole Thorleifsen

Godmand Rasmussen